



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 3. Sessio prima Concilii Florentini.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

primæ huic Sessioni interesse optaverat, Sæcul. XV.
 satisfactori. A. C. 1439.

§. III.

Prima Concilii Florentini Sessio.

Cæpta est ergo præstituto die prima *Conc. to. 13.*
 Florentinæ Synodi sessio, cui tamen *p. 223.*

non minus ac subsequenter Patriarcha
 adversa valetudine præpeditus, assistere
 haud poterat. Totam hanc Sessionem
 tenuit prolixus admodum Dialogus inter
 Imperatorem doctrinæ splendore illu-
 stre, & Cardinalem Julianum, tandem-
 que conclusum, ut ad conciliandam con-
 cordiam utrinque opportuna excogita-
 rentur media, ac propterea convenirent
 Græci, de modo ineundæ pacis delibe-
 raturi, suumque consilium in proxima Ses-
 sione aperturi. Quo comperto Impera-
 tor unacum Prælati Patriarchæ domum
 accessit, & de via in hoc rerum cardine
 aggredienda consilium iniit. Verum cun-
 cti Præsules Imperatori respondebant:
*Nos medium ullum nec habemus, nec propo-
 nimus: sed quia die Sabbati debemus respon-
 dere latinis, prompti quidem sumus, sed pe-
 tat Imperium tuum, ut pars utraque priva-
 tim conveniamus, & Deus de unionis modo
 providebit.* Idcirco Græci septem ex suis
 eligebant, qui Latinorum argumentis re-
 sponderent: hi erant, Antonius Hera-
 cleen-

Sæcul. XV.
A.C. 1439

cleensis, & Gregorius Protosyncellus, Isidorus de Russia, & Marcus Ephesinus, quorum duo priores Alexandrini, duo autem posteriores Antiocheni Patriarchæ Vicarii erant; Dositheus Monembasienfis, qui Patriarchæ Hierosolymitani vicem agebat; Bessarion Nicænus, & Dorotheus Mitylenensis. His igitur plenam conferre facultatem conferendi, & de quinque controversis Articulis transigendi cum Latinis, qui pari ratione septem nominarent Prælatos, cum Græcis in arenam descensuros. Verum Papa privatos hosce conventus minus utiles autumans, Græcis acquiescere noluit, asserens, si rem non nisi disputatione agere vellent, satius foret, ut eadem publice institueretur; sic enim nec rerum, quæ ibidem palam pertractarentur, notitia versuto quodam silentio suppressum iri, nec calumniaribus integrum fore, impune conviciari, ac si alterutra pars clandestinis artibus decepta, & causæ, cujus defensio susciperetur, justitia turpiter violata fuisset.

§. IV.

Sessio II Florentinæ Synodi.

Pontifex, cum satis perspectum haberet, quod Græci de proponendo conficiendæ concordiæ modo nihil sint solliciti, sed unice rem disputando agere vellent, ad